

¡BOMBA!

El huracán tan mentado aquí dejó saldo blanco; va a Florida, por el flanco. ¡Que ese viento sea amainado!




K'uintsil

Miércoles 9 de octubre de 2024

CAMPECHE · YUCATÁN · QUINTANA ROO · AÑO 10 · NÚMERO 2337 · www.lajornadamaya.mx

Máaxbo'ob meyajtik inteligencia artificiale' chíimpolta'abo'ob yéetel Premio Nobel de Física



John J. Hopfield

Ka'atúul máako'ob jach u na'atmajo'ob bix u meyaj inteligencia artificial, John Hopfield yéetel Geoffrey Hinton, tu náajaltajo'ob u chíimpolalil Premio Nobel de Física tumen áantajnajo'ob t'ial u yantal jach ba'ax k'abéet t'ial le k'ajóolta'an beey aprendizaje automático, jumpéel ba'al táan u jach k'exik bix u yúuchul meyaj yéetel bix

kuxliko'on, ba'ale' beyxan ku beetik u yantal u jeel sajbe'entsil ba'alo'ob t'ial wiinik, tu ya'alaj juntúul ti' le máako'obo'.

Hilton, máax k'ajóolta'an beey u padrinoil inteligencia artificiale', juntúul u kajnáalil Canadá yéetel Gran Bretaña ku meyaj tu noj najil xook Universidad de Toronto; Hopfielde' juntúul estadounidenseil ku meyaj Princeton.

Geoffrey E. Hinton

"Le ka'atúul máaxo'ob chíimpolta'ab beey Premios Nobel de Física teel ja'aba' tu k'abéetkuns'oob u ba'alilo'ob fisiikáa t'ial u patj'ooltiko'ob u nu'ukil t'ial u yantal u baseil aprendizaje automático yaan teel kiino'oba", a'alab tumen u múuch'kabil jets'ik Nobel ti' k'áaytajil tsikbal.

Ellen Moons, máax táaka'an ichil u múuch'kabil Nobel de

la Real Academia Sueca de Ciencias, tu ya'alaj le ka'atúul máaxo'ob chíimpolta'abe' "ku k'abéetkunsiko'ob ka'anan tuukulo'ob ichil física estadística t'ial u patj'ooltiko'ob le ku kaaba'tik redes neuronales artificiales ku meyajo'ob beey ba'alo'ob ku k'aj'sajo'ob yéetel ku kaambalo'ob, t'ial u kaxtiko'ob patrones ti' nojoch datos ku jóoksa'al".